

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U KALESIJI

Broj: 029-0-Su-26-000008

Datum: 18.06.2026. godine

PREDMET: Izvještaj o radu suda u 2025. godini

Osvrtom na organizaciju rada, popunjenost radnih mjesta prema Pravilniku o sistematizaciji i prisutna odsustva sudija i stručnog osoblja, konstatuje se da je Općinski sud u Kalesiji u 2025. godini radio u punom sastavu.

1. Ostvarenje norme

U izvještajnoj godini Sud je ostvario ukupno **92,07%** propisane norme, na osnovu pojedinačnih rezultata sudija i stručnog saradnika:

Razlog pada kolektivne norme ispod 100% je primjena **novog Pravilnika o orijentacionim mjerilima za rad sudija i stručnih saradnika u BiH**, koji je u primjeni od 2024. godine.

Ističemo da ovaj sud u svim proteklim godinama rada, nije imao kolektivnu normu ispod 100%, međutim, stupanjem na snagu **novog Pravilnika o orijentacionim mjerilima za rad sudija i stručnih saradnika u BiH**, koji se primjenjuje u 2024 i 2025 godini, kolektivna norma u 2025 godini je manje od 100%.

2. Ostvareni kvalitet rada

Ukupan kvalitet za period 01.01–31.12.2025. iznosi **81,53%**.

Od donesenih 1650 odluka podložnih pravnom lijeku, 150 je potvrđeno, 40 preinačeno, 61 ukinuto, a 5 djelimično ukinuto.

3. Priliv i rješavanje predmeta

Sud je u 2025. godini zaprimio **3.678** novih predmeta, a sa neriješenim predmetima iz 2024. godine (3853 predmeta), ukupno je imao u radu **7.531 predmeta**. Riješeno je **3.263 predmeta**, te je na kraju godine ostalo **4.268 neriješenih**, što je povećanje za 415 predmeta u odnosu na kraj 2024. godine.

Po referatima:

- **Izvršni:** zaprimljeno 514, riješeno 654 → smanjenje za 140 predmeta
- **Krivični:** zaprimljeno 401, riješeno 466 → smanjenje za 45 predmeta
- **Parnični:** zaprimljeno 586, riješeno 688 → smanjenje za 102 predmeta

- **Prekršajni:** zaprimljeno 1377, riješeno 1003 → povećanje za 374 predmeta
- **Sudska uprava:** zaprimljeno 14, riješeno 12 → povećanje za 2 predmeta
- **Vanparnični:** zaprimljeno 786, riješeno 460 → povećanje za 326 predmeta
 - od čega ostavinski predmeti (O-O): zaprimljeno 692, riješeno 357

Posebno ističemo da je **broj neriješenih ostavinskih predmeta u značajnom porastu**, sa 227 na kraju 2014. godine na **1777 neriješenih** na kraju 2025. godine, a razlog povećanja broja neriješenih ostavinskih predmeta je u tome što ostavinske predmete rješaju notari kao povjerenici suda.

4. Uporedni podaci sa 2024. godinom

Priliv predmeta u 2025. godini veći je za 530 predmeta.

Broj riješenih predmeta veći je za 366 u odnosu na 2024. godinu.

Kada su u pitanju referati možemo istaći sljedeće:

Na izvršnom referatu u 2025 godini imamo 76 predmeta veći priliv u odnosu na 2024 godinu

Na krivičnom referatu u 2025. godini imamo 57 predmeta manji priliv u odnosu na 2024. godinu.

Na parničnom referatu u 2025. godini, imamo 63 predmeta manji priliv u odnosu na 2024. godinu.

Na prekršajnom referatu u 2025. godini, imamo 488 predmeta veći priliv u odnosu na 2024. godinu.

Na vanparničnom referatu u 2025. godini, imamo 84 predmeta veći priliv u odnosu na 2024. godinu.

Gledajući na broj riješenih predmeta od 3263 predmeta u toku 2025. godine i usporedbom istih sa periodom tokom 2024. godine i brojem od 2897 riješenih predmeta, možemo reći da je ovaj sud riješio 366 predmeta više u odnosu na broj riješenih predmeta u 2024. godini.

5. Rješavanje starih predmeta

Plan rješavanja starih predmeta ostvaren je sa **83,74%** (riješeno 1154 od 1378 predmeta). Po referatima:

- Izvršni – 78,46%
- Krivični – 75,23%
- Parnični – 78,32%
- Prekršajni – 97,63%

- Vanparnični – 63,41%

Od starih predmeta na **izvršnom** referatu imamo jedan predmet iz **2007. godine**, koji je trebao biti okončan u 2025. godini, ali je, zbog opravdanog prijedloga tražioca izvršenja, izvršenje odloženo za jednu godinu. Takođe, na izvršnom referatu evidentiran je jedan neriješen predmet iz 2010. godine, jedan iz 2011. godine, jedan iz 2012. godine, jedan iz 2013. godine, jedan iz 2015. godine, jedan iz 2016. godine, tri predmeta iz 2017. godine, jedan iz 2018. godine, šest predmeta iz 2019. godine, tri predmeta iz 2020. godine te devet predmeta iz 2021. godine. Svi navedeni predmeti su u radu ovog suda i na njih se obraća posebna pažnja kako bi bili okončani što prije. Dio predmeta je u 2025. godini zaveden u I fazu, odnosno prešao je iz jedne faze u drugu, zbog čega nose taj stari stvarni datum početka.

Na **krivičnom** referatu evidentiran je jedan predmet iz 2013. godine, jedan iz 2018. godine, dva iz 2020. godine i dva predmeta iz 2021. godine.

Na **parničnom** referatu nalazi se jedan predmet iz 2015. godine, dva iz 2018. godine, četiri predmeta iz 2019. godine i pet predmeta iz 2021. godine.

Na **vanparničnom** referatu evidentiran je jedan predmet iz 2011. godine, četiri iz 2016. godine, jedan iz 2017. godine, jedan iz 2019. godine, jedan predmet iz 2020. godine i dva predmeta iz 2021. godine.

Za svaki referat detaljno su navedeni predmeti stariji od 2011. do 2021. godine koji su ostali neriješeni, uz obrazloženja o njihovom procesnom statusu.

6. Prosječno trajanje postupaka

Prosječno trajanje riješenih predmeta u 2025. godini je **329,18 dana**.

- Izvršni: 461,99 dana
- Krivični: 159,84 dana
- Parnični: 259,80 dana
- Prekršajni: 309,13 dana
- Vanparnični: 460,45 dana

7. Zastara predmeta

Tokom 2025. godine zastara je nastupila u **29 predmeta**:

- 23 prekršajna predmeta (faza izvršenja – „lps“) zbog nemogućnosti prinudne naplate
- 6 krivičnih predmeta zbog apsolutne zastare

Ukupan broj predmeta u kojima je nastupila zastara tokom 2025. godine iznosi 29 predmeta a od tog broja 23 predmeta je zastarilo na prekršajnom referatu u fazi „Ips“, zbog nemogućnosti naplate novčane kazne, jer zakonom nije regulisana prinudna naplata.

Na krivičnom referatu imamo 6 zastare zbog nastupanja apsolutne zastare – nedostupnost optuženog ili drugi procesni razlozi.

U pogledu na zastare u predhodnoj godini u fazi izvršenja prekršajnih sankcija je smanjen broj zastara u odnosu na 2024. godinu za 15 predmeta, a na krivičnom referatu je povećan broj zastara sa 3 predmeta u 2024. godini, na 6 predmeta u 2025. godini.

8. Predmeti korupcije

U 2025. godini zaprimljeno je 10 predmeta, riješeno 9, te je na kraju godine ostalo 5 neriješenih predmeta korupcije.

9. Aktivnosti u vezi sa prevencijom seksualnog i rodno zasnovanog uznemiravanja

Sve interne procedure su uspostavljene, biblioteka raspolaže smjernicama, a u izvještajnom periodu **nije bilo prijava niti pokretanja postupaka.**

Biblioteka suda raspolaže dovoljnom brojem primjeraka Smjernica te postera i letaka, koji su istaknuti i u zgradi suda.

U izvještajnom periodu u toku 2025. godini u Sudu nisu pokretane interne procedure, dakle nije bilo prijava, niti je savjetnik na bilo koji način bio informisan o neželjenom ponašanju niti je isto primjećeno u sudu.

10. Projekat unapređenja rodne ravnopravnosti u pravosuđu

Općinski sud u Kalesiji u okviru projekta „Unapređenje efikasnosti sudova i odgovornosti sudija i tužilaca BiH-treća faza“ koji se realizuje u cilju provođenja „Strategije za unapređenje rodne ravnopravnosti u pravosuđu Bosne i Hercegovine“ koju je usvojilo Visoko sudsko i tužilačko vijeće Bosne i Hercegovine, donio je Akcioni plan provođenja aktivnosti za naredni period.

Cilj ovog Akcionog plana jeste da se nosioci pravosudnih funkcija i druge osobe zaposlene u Općinskom sudu u Kalesiji upoznaju sa činjenicom da su dužni u svom radu da poštuju i pridržavaju se principa rodne ravnopravnosti i vode računa da svojim radnjama i postupcima ne čine seksualno i rodno zasnovano uznemiravanje. Također, provođenjem ovog Akcionog plana u Sudu nastojat će se osigurati i promovisati rodna ravnopravnost u okviru nadležnosti ove institucije u procesu upravljanja, odlučivanja i predstavljanja, a u cilju zaštite pojedinačnih ljudskih prava i sloboda garantovanih Ustavom Bosne i Hercegovine, zakonima i drugim pozitivnopravnim propisima u Bosni i Hercegovini, te obavezujućim međunarodnim dokumentima.

Općinski sud u Kalesiji je u prethodnom periodu, preduzeo određene aktivnosti pa je tako radi realizacije ovog Projekta donesen Plan aktivnosti na provođenju Strategije za

unapređenje rodne ravnopravnosti u pravosuđu BiH i Odluka Predsjednika suda kojom je formirana Radna grupa koju čini šest članova. Cilj ove radne grupe je da se pobrine za implementaciju "Strategije za unapređenje rodne ravnopravnosti u pravosuđu BiH" u svakodnevnom radu Suda.

Sačinjen je anonimni upitnik za zaposlene u Općinskom sudu u Kalesiji koji je svim zaposlenicima dostavljen s napomenom da su isti dužni popuniti. Upitnik je sadržavao pitanja koja se tiču ličnog mišljenja zaposlenih o rodnoj ravnopravnosti, seksizmu i slično, te o uslovima na radu kada je rodna ravnopravnost u pitanju. Rezultati provedenog upitnika pokazuju pozitivne uslove za rad u ovoj instituciji i svijest zaposlenih o pojmovima kao što su rodna ravnopravnost i slično.

Na kraju 2025. godine, Općinski sud u Kalesiji broji 27 zaposlenih (nosilaca pravosudnih funkcija, državnih službenika i namještenika).

Od toga:

- 19 žena (70,37%)
- 8 muškaraca (29,63%)

11. Saradnja sa notarima u ostavinskim predmetima

Održana su dva sastanka sa notarima, a dnevni red sastanka je bio analiza neriješenih ostavinskih predmeta, ocjena saradnje suda sa notarima kao povjerenicima, ključni problemi u radu notara koji utiču na trajanje ostavinskog postupka, te utvrđenje mjera za prevazilaženje i identifikovanje problema.

Istaknuti su ključni problemi:

Notari su naveli da im se u smrtovnicama dostavljaju netačne adrese nasljednika, zatim, da je slab odziv stranaka na ostavinske rasprave, zbog čega dolazi do kašnjenja u završetku i vraćanju završenih ostavinskih predmeta sudu.

Notarka Alma Kumrić navela je da ima oko 50 završenih predmeta koje treba da vrati sudu, te dodala da se stranke i dalje jako slabo odazivaju na pozive notara.

PREDSJEDNIK SUDA

Hajrudin Livadić